



Kamis, 18 November 2021

Ogen: 2 Kronika 15:5



"Arus Megegeh"



Mekatep dor rusur geluhta la bagi sura-suranta. Erbage-bage situasi kegeluhen erbanca kita rusur kote. Mbaru denga kita ras-ras tawa, banci ka rempet i je kita tangis. Mbaru denga kita ras i je rempet ka temanta ndai nggo lanai lit. Sada pe jelma la lit si banci meteh kerna wari-wari doni enda alu pas, bahkan kalak pentar pe la banci. Emaka ibereken kesempatan man banta guna si renungken kerna kegeluhenta, apakah i bas keadan si ugapana pe kita tetap megegeh i lebe-lebe Dibata? Arus megegeh em perenungenta sendah.

(Mari situtup matata kentsik, bayangkanlah uga perdalanen geluhta sada minggu enda, mbuen senangna ntah sedihna? Ibereken waktu sekitar 1 menit). Uga penggejapenndu? Uga ukurndu paksa enda? Lit nge kam si sada minggu enda si rusur tangis? Atau lit ka kam sada minggu enda meriah lalap ukurndu? Kai pe banci la bagi ukur. Mari endeken kentsik KEE 320 "Susah entah senang gia, i bas geluh enda amin kita bas perbeben ernalem man baNa. Nggeluh bas Tuhan malem ateta, sibegiken pedahNa, pindo gegeh ras pasu-pasuNa, i b'rekenNa man banta."

Enda me bukti i bas kita ndatken kekelengen Dibata e segelah kita megegeh ndalani kegeluhen enda. Perenungenta wari enda mabai kita merefleksi dirinta segelah kita megegeh arah gegeh si ibereken Dibata man banta. Ulihna, kita pasti ngasup mabai dirinta nggeluh erpengendes man Dibata saja selaku kita me anak-anakNa. Kalak si erpengendes man Dibata, lanai ia mbiar ngalaken kegeluhenna. Amin gia kesusahen ntah kesenangan si reh pasti ngasup ia ngalonalosa. Benakenlah nggeluh erpengendes man Dibata segelah datkenndu kemalemen ate, datkenndu megegeh guna naluken doni enda. La pernah ipediatNa kita erdalan sisada, la pernah itadingkenNa kita. Gegeh siiberekenNa e, erbanca kita keke arah kekotenta nari seh maka tetap sipermuliaken Dibatata e.